

# Un Mensagen di Kevin Tabb, MD

## Presidenti i PCA, di Beth Israel Lahey Health

10 di Agostu di 2021

Na nha último mensagen di vídiu pa bô na inísiu dês veron, n nota ma intensidade i pezu dês pandemia staba (felizmenti) ta diminui. Más si kêl pandemia li ixinanu algun kuza, ê ki kêl vírus ki ta kauza COVID ê traisoeru – i implakável.

Gosi nu sta kuazi ta infrenta un otu surtu di kazus di COVID pamodi amiasa di varianti Delta ki sta ta aumenta manenti. Duranti mês di Julhu, numeru di kazus puzitivus pa COVID na Massachusetts dobra na kada un a dês simana – un aumentu di déz bêz di 78 novus kazus pur dia na inísiu di mês pa mas di 700 novus kazus pur dia na final di mês. Nu ka odjaba nada igual desdi dipôs di Dia di Ason di Grasa.

Klaru ki nu sta na otu pontu di disviu kítiku... un dezagregason na strada. Nu podi prolunga ês pandemia undi ki nu ta intrega i dizisti di nês kansera i frustrason... Ô nu podi komprometi a fazi tudu ki nu podi pa kombatêl.

Nu ka podi intrega. I nu ka podi dizisti i nês grandi responsabilidadi ku nês pasientis i ku kumpanheru – nês responsabilidadi moral, na vêrdadi – debi orienta kês ason ki nu ta realiza komu un organizason.

Pur isu, ê ku keli na menti kin sta ta anunsia oji trêz disizon ki nu sta ta toma komu organizason pa manti kumpanheru, nês pasienti i nês kumunidade siguru.

Primeru, nu sta ta avansa ku izijênsia di vasinason kontra COVID i gripi pa tudu funcionáriu. Ku kuazi 85% di nês ikipa já vasinadu, nu tinha planiadu inisialmenti spera ti ki un ô más di kês vasinadas COVID fosi tradu di Autorizason di Uzu di Emerjênsia i totalmenti lisensiadus pa FDA antis di izijil komu kondison pa imprega alguên.

Más, kuza muda na último mês. I, sima nu ten fetu repetidamente durandi ês pandemia, nu mesti ajusta nês trajetu a midida ki kês faktus i sirkunstânsias na nês frenti ta ba ta muda. Nu sta kuazi pertu di un aumentu signifikativu di kazus di COVID i nu teni vasinadas siguru i eficás dispunível. Milhon di dozis a más foi dadu na últimos mês, i inda nu teni más mutivu pa sta konfianti ki kês vasinadas ê siguru i eficás.

Pa odja importânsia di vasinason, gosi nu sabi ma si bu foi vasinadu, bu teni 8 bêz menus xansi di sêr infetadu – 8 bêz menus provável. I si bu foi vasinadu i bu panha un infeson raru “break-Through”, bu teni 25 bêz menus xansi di ser ospitalizadu, fika gravimenti duenti ô mori.



Sendu ki nu sta ta prevê ki un vasina sta bai ser totalmenti lisensiadu pa FDA brevementi, nu sta bai iziji ki – komu kondison di impregu – nôs ikipa tem ki ser totalmenti vasinadu kontra COVID-19 i tambên kontra gripi ti 31 di Outubru.

Obrigadu pa kês 85% di nôs dotor i funcionáriu ki já foi vasinadu i ês toma ês importanti ason pa proteji aês i otus. Kêl amiasa kresenti di kêl varianti Delta di COVID-19 ê txeu rial. Gosi, más ki nunka, nu teni responsabilidadi di garanti ki tudu nôs funcionáriu ta sêr vasinadu, menus si ês pidi i ês dadu un izenson médiku ô relijiozu.

Tambên nu sta ta restabelesi nôs rekizitu di uzu di máskra universal – ku ifeitu imediatu. Tudu dotor i funcionáriu ten ki uza máskra kantu ês tiver na lugar di trabadju, menus ora di kumi ô bebi na um lugar indikadu pa keli – independentimenti di bu stadu di vasinason i si bu sta ta trata ô não di pasienti i si bu sta na um ária di atendimentu a pasienti ô otu ária. N sabi ma nu sta tudu kansadu di uza mákra i nu krê volta pa normalidadi. Nôs speransa ê ki ês pulítika di uzu di máskra universal ta sêr nesêsáriu sô pa poku tempu, más ê un linha di diféza nesêsáriu nês fazi kritiku.

Finalmenti, tambên nu mesti atraza implementason di nôs Pulítika di Trabadju Remotu ki foi anunsiadu anteriormenti, ki staba programadu pa komesa ta vigora 7 di Setembru. Ikipa ki sta ta trabadja remotamenti, sta bai kontinua ta trabadja remotamenti ti pelu menus pertu di Janeru di 2022. Pa más di un anu, nu fazi kuzas straordináriu djuntu – inkluindu alguns membrus di nôs funcionáriu ki trabadja fora di sês lugar di trabadju. Dividu a kês dezafius significativus ki nu sta ta infrenta nês pandemia li, ka ta parsi ma ê mumentu sertu pa trazi kês kolegas ki ta trabadja remotamenti ku txeu susesu, di volta pa ambienti di trabadju...Oras ki nu limita numeru di psoas na nôs spasu klíniku i administrativu, nu ta podi proteji midjor kumpanheru i pasientis – i presenva rekursus txeu importantis inkluindu PPE.

Klaru, nu sabi ma txeu di nhôs ta ba teni perguntas, i nu dizinvolvi un konjuntu di material informativu ku informason más detalhadu sobri kês rekizitus.

Keli ê desizons importantis. I nkrê pa bu sabi ma nu ka fazês atoa. Más n ta atxa ma ês ê nesêsáriu si nu krê vivi ku profundo responsabilidadi ki nu teni ku nôs pasientis i ku kumpanheru.

Obrigadu pa tudu kêl ki bu ta fazi pa nôs pasientis, ki ta poi sês konfiansa na nôs... pa kumpanheru... i pa kumunidadis ki nu ta sirvi i pa fazi parti di nôs sforsu di garanti dias midjor pa frenti.

I n ta garanti ki ta ben têt dias midjor pa frenti.